

*Judaorum  
sententia.*

vierit ; jàm autem nonnunquam *מזמרות* vel *סיפות* & *מזמרות* & *סיפות* simul inter altaris usui dedicata instrumenta recenseantur ; quod fit 1. Reg. VII. 50. 2. Reg. XII. 14. & Jer. LII. 19. non immeritò quæritur, num & hæc utraque vasa spargendo sanguini inservierint, & quâ ratione à se invicem distinguenda sint? Heic verò Rabbini in varias se formas torquent ; *Raschius* quoniam *מזמרות* in duobus prioribus locis cum *סיפות* conjunguntur, has æquè ac illas instrumenta musica esse dicit : Hinc ille ad 2. Reg. XII. 14. de utrisque pronunciat *כלי שיר* illa sunt instrumenta musica. Tantum tamen idem sibimet ipsi confidit, ut 1. Reg. VII. 50. eas duplici ratione explicet. Ita enim inquit *הסיפות כלי של מיני זמר הוא וכן מזמרות המזמרות* *הסיפות לקבל דם* i. e. *Sippoth instrumentum est generis musici* sic *Melammeroth*. *Misrakoth* & *Sippoth* ad accipiendum sanguinem. Sed hic locus procul dubio in mendo cubat, cum *Raschi* sibimet ipsi obloquatur, eodem halitu affirmans *סיפות* esse instrumenta musica & pelves recipiendo sanguini destinatas, unde & in *MSC*, secundo, quod consuluit, *Vir Excellentiss. J. Fried. Breithaupt*, pro *והכפות וסיפות* legitur : quamvis tamen vel sic aliquid deesse aut verborum ordinem inversum idem non immeritò existimet. Sed hæc non sunt hujus loci. Cæterum eandem tamen sententiam quod *סיפות* sint instrumenta musica vid. apud *Raschium* notis ad Jer. LII. 19. & *R. Levi ben Gerson* in 1. Reg. VII. 50. Verum, cum nondum evictum sit *מזמרות* his locis instrumenta musica designare, quandoquidem hæc vox vi originis quodcunque instrumentum secundo aptum denotare potest : cum præterea quæ hic recensentur vasa, usui altaris destinata fuerint, hæc utique interpretatio minus congrua videtur. Hinc alii ut *Kimchius* in 1. Reg. VII. 50. & *R. Sal ben Melech* in *מכילת יופי* fol. 76. d. 83. c. concedunt *סיפות* esse vasa recipiendo sanguini destinata, eaque amplius describunt, quod sint *כלים עשויים בתכונת הכרים* *vasa facta instar cadorum*, ubi observandum erroneè legi *כרים* in *Kimchii* loco cit. *Cadus* autem est vas hauriendis liquoribus præsertim aquis destinatum Vid. *Majus* in *Suppl. ad Cocc. Lexicon*. Unde non obscure iterum colligitur hoc vasis genus fuisse paulo altius